

# 交城縣誌

石

二卷地理攷

沿革

疆域

形勝

十景

山川

古蹟

丘墓

風俗

節序

鄉儀

三卷建置攷

城池

關城

堡寨

器械

橋梁

舖集

縣治

學宮

坊表

公署

祠祀

里甲

血典

寺觀





交城縣誌 卷之二

錢塘  
趙吉士編次

地里攷目錄 計十條

沿革

疆域

形勝

十景 附

山川

古蹟 附

交城縣志  
丘墓

風俗

節序

附

鄉儀

交城縣誌

地里攷

粵攷禹貢敷土分州周禮體國經野蓋古之王  
者統一寰宇撫有方夏必先地里之籍詎唯緣  
飾輿圖侈靡汗簡已耶實則爲國爲民之意也  
故下迨列國此制猶存而辨方守土歷歷可紀  
其來舊矣我朝拓地遠邁前古卽僻壤織區悉  
入版籍凡以地里爲重耳卽以吾交封言之鄰  
山地瘠猥處一隅而衝疲且甚固非沃土寧壤



也然而沿革之異同疆域之廣狹形勝之險易山川之峙流風俗之淳漓古蹟之存廢丘墓之顛沒歷歲既久變更不一乃其盛衰倚伏之機升降循環之理補偏揅斲之方均之有關於國與民者固不可以無稽也已誌地里

趙吉士曰易曰王公設險以守其國孟子曰天時不如地利名山大川國之寶也交幅輞幾五百餘里吾嘗身入險阻歷覽其山川察其形勝度其風俗而知其爲邑則瘠爲疆域則雄矣世

治則山林鳥獸之利可以給國賦而資衣食天下有事則據險嘯聚且爲全晉腹心之憂整武備嚴盜賊折之以威而給之以息使險常在國是惟守土者之責故備誌之以俟後之君子焉  
沿革

交城本漢晉陽縣之西境北齊於此置牧官隋開皇中新置交城縣屬并州其地東北當汾孔二河交流之地有古交城因以名縣唐初交城縣屬河東道武后天授初長史王及善移置山



南却波村先天元年分置盧川縣於故地開元  
二年復併入焉五代仍舊宋太平興國四年平  
劉繼元以交城爲大通監七年移置唐明鎮寶  
元二年以大通監隸沁州綿上屬之嘉祐四年  
復爲太原府交城縣元明因之編戶四十三里  
國朝順治二年攢併二十五里

疆域

廣二百餘里袤二百餘里東抵清源縣高白村  
一十五里西抵永寧州劉王嶂山一百八十里  
南抵文水縣石侯村一十里北抵靜樂縣天城  
川界一百五十里東南至文水縣西北安村界  
十五里東北至陽曲縣蘭伏村界二百里西南  
至文水縣開柵鎮界二十里西北至臨縣黑黑煙  
山界二百二十里由縣治東北達本府治一百  
二十里達京師一千三百里

形勝

東倚却波西襟文峪南帶汾河北枕封岳  
見舊通誌  
十景附



錦屏春色 崖如點黛壁若朝霞景以春勝

石壁秋容 蒼松古栢削壁懸崖景以秋勝

玉山寶塔 連雲王相映雪瓊姿景以遠勝

卦岳爻峰 層巒似卦疊巘如爻景以象勝

汾陽夕照 羲馭將沉魯戈欲指景以晴勝

定慧晨鍾 霜冷松關聲穿碧落景以聽勝

北祠靈井 一泓清冽萬井桑麻景以泉勝

西社龍門 兩山壁立百道奔流景以勢勝

却月晴波 清可懸魚照猶止水景以韻勝

臥虹烟柳 沙堤新築汁柳初栽景以雨勝

山水

詩云維嶽降神生甫及申則知山川之氣鍾靈

毓秀爲人材所自出不可不重也我交之山川

秀氣得之爲人材如文章道德志節事功表表

於世者代有之第以山之體厚者顛多不潤形

峭者不秀而川源短促激湍易漲易涸是以人

生其間負川岳之氣賦性穎異單於力學邇來

且偷安益甚也或者有所使之然與亦不自振



之過與余聞地靈則人傑人傑則地靈凡我交人固宜自樹而毋自諉

趙吉士曰唐虞之時玉帛者萬國至於周初尚千有八百其時封建密矣獨交境攷之上世無專國焉蓋古者名山大川不以封則此地之險阻可知矣前左汾河右背呂梁孤突叢峯極天覽其山川可以知其入知其俗矣

山

萬卦山

在縣西北五里群峯峙立斷續開合如萬卦然天寧禪寺在山之趾爲十景之一曰卦岳交峯毘盧閣在寺後面勢嚴正簷阿圍欄崇高爽朗環山松栢蒼翠可挹

石佛堂在山之肩佛座法身刻石爲之極盡工巧下視雲林遠觀汾水宛若天台石塔在山巔唐代宗時建

漿水泉在山南石崖下水色如漿因名龍池泉在西方夾右石坎中有龍王祠因名



靈泉在石佛堂西岩下石坎中有本府李環洲  
詩

錦屏山

在卦山西春夏之際紅崖綠樹燦若錦屏爲十  
景之一曰錦屏春色

石壁山

一名龍山在縣西北二十里疊巘週圍環抱南  
有石崖峭削千仞列嶂儼然如壁古栢蒼翠四  
季若長秋爲十景之一曰石壁秋容

永寧禪寺在山坳魏延興二年曇鸞祖師創建  
善法殿五楹棟梁椽桷規矩不凡世傳公輸子  
所造邑人郝天挺篆善法以扁其額

千佛閣在立佛殿後由東北巉岩石磴而上臺  
閣高聳唐李太白書壯觀扁于其上

甘露碑唐元和間李逢吉撰文

高氏碑唐開元漢州郾城尉林諤撰文太原府  
參軍房隣妻渤海高氏書丹字迹遒勁世所希  
有四方珍之



透靈碑元至正年立其石光瑩可鑑人形俗謂之透靈碑

龍潭泉在寺北西岩下古有龍潭禪師演法于此地因名後人建禪師及徒鳩鵲二僧堂于泉上塑像泉從像座下流出今堂圯泉存

王山

在縣東北一十二里古名虎頭山金皇統四年賜以今名或謂有空王佛寺故也岡有古磚塔近視則色灰遠觀則色愈白爲十景之一曰王山寶塔有第一山碑宋米芾書

臥牛山

在縣東北七里形似臥牛故名

白鹿山

在縣東北十里山下有白鹿泉蓋昔有白鹿跑地得泉故名

七佛岩

在縣東北二十里山岩有七佛像故名又有塑像臥石崖中俗傳睡化另有黃姑像存焉又傳



交城縣志  
是梵王修行之地

少陽山

在縣西北七十里山海經云少陽之山酸水出焉今水微酸流合文谷水古產銀精石今不出

高離山

在縣西北四十里獨立高聳遠離小山故名

馬鞍山

在縣西北五十里邑之主山也山畔兩峰連接形如馬鞍故名上有晉大夫狐突子毛偃墳廟

存焉一名狐突山俗謂之放馬坪廟前有井水

極其冽遇旱祈禱輒雨古產青錢今無

童子谷

在縣北八十里北齊天寶七年有數童子牧於谷見巨石如人因作佛像高一百一十尺故名

文山

在縣西北九十里文水之側故名

四稜山

在縣西北九十里以山四脊故名



寶珍山

在縣西一百里古有僧寶者坐化于山岩石上人異之故名亦名寶珠嶂山

羊腸山

在縣東北一百二十里郡國誌云萬根谷石磴縈委若羊腸然後魏於此立羊腸寨新通誌謂羊腸倉

龍鬚山

在縣西北一百二十里山顛有寨卽名龍鬚寨北有黑龍祠南有黑龍洞山岩下滴水成石因名餘糧石崖內建龍王堂

交城山

在縣北一百里舊交城在此故名今爲故交村舊蹟尙在

大阿蘇山

在縣西北一百五十里其南數里有小阿蘇山其山石崖中有洞穴世傳張果老乘白驢在此以鐵箠指石爲穴併驢入焉穴尙在深約數十



步

劉王暉

在縣西北一百九十里上有水泉歲旱禱雨卽應昔劉淵都離石時嘗居此因名有祠存焉山岡東西長三十餘里闊二十餘里

黑石樓山

在縣西北一百五十里上有黑石如樓故名其洞穴中有兩石如盆泉水出焉亦名獨泉山其西北三里有石羅漢形破又名破羅漢山

呂梁山

俗名穀積山在縣西北一百五十里接永寧界禹貢註治梁及岐是也又呂不韋云龍門未闢呂梁未鑿河出孟門之上卽此

豁然山

在縣西北一百五十里山勢聳立昔有隱者常登此山東觀并州西視黃河左顧右盼懷抱豁然因名

孝文山



步

劉王嶂

在縣西北一百九十里上有水泉歲旱禱雨卽應昔劉淵都離石時嘗居此因名有祠存焉山岡東西長三十餘里闊二十餘里

黑石樓山

在縣西北一百五十里上有黑石如樓故名其洞穴中有兩石如盆泉水出焉亦名獨泉山其西北三里有石羅漢形破又名破羅漢山

呂梁山

俗名穀積山在縣西北一百五十里接永寧界禹貢註治梁及岐是也又呂不韋云龍門未闢呂梁未鑿河出孟門之上卽此

豁然山

在縣西北一百五十里山勢聳立昔有隱者常登此山東觀并州西視黃河左顧右盼懷抱豁然因名

孝文山



在縣西北一百六十里許昔元魏孝文避暑於此上有廟存焉故名

福泉山

在縣西北一百七十里山有泉遇旱禱卽雨故名

神師山

在縣東北一百九十里古有二仙人隱居於此故名下有東西仙洞相去四十里詳載古蹟

煉銀山

在縣西北一百七十里山之長溝村出銀鉛鑛

水

西谷水

在縣西北源出劉王嶂流至榆城合文谷水

文谷水

在縣西北源出孝文山後經流文水縣峪口開柵二村入汾古開二渠灌溉七都民田至今渠蹟尙存

步潭水

在縣西北源出馬鞍山前步潭各經流瓦窰溝



至縣城東流入汾河永樂十年六月此水與塔  
菽水泛漲衝圯城垣居民請築瓦窰磁窰溝口  
二堰以防之

塔菽水

源出縣東北五十里塔菽谷南流經縣東南入  
汾元至正七年知縣程元直築新堤障之今廢

汾河

本出靜樂縣管岑山經流交城屬地故交村卽  
汾孔交流之處流至城東南一十五里過大陵  
城合文峪水入靈石口去

孔河

源出縣北一百三十里青崖寨下東流經板柵  
屯蘭馬蘭村東注於汾

白鹿泉

在王山之麓一名水泉先立聖母祠於泉上後  
北萬曆二年知縣吳騰龍遷祠于山寺崖下

觀音泉

在縣西北八十里西冶村泉上有觀音堂因名



交城縣志  
堂前以石砌八角池中置石獅口出水激湧今  
存

### 井泉渠

### 石堙渠

按二渠俱分派於文谷河內井泉爲上渠經流  
文水縣峪口鶉鷓山砦下灌溉本縣廣步洪安  
安定等都民田順流至城南迤東一帶石堙爲  
下渠經流文水開柵東南灌溉成村汾西汾東  
青村等都民田順流可達辛南通誌所謂單澄  
決水利民者卽此二渠也歷年久遠山水泛漲  
將石堙渠衝壞壅塞兼以豪民隱占泯沒然而  
古蹟故道猶有存者元泰定四年彼都華嚴堂  
碑記有云水自山源土肥地秀竹茂林青利賴  
有三焉一曰井泉渠源自峪口西北文谷河內  
起水下至交城縣等村澆溉三十程爲率內開  
柵七程餘者交城等村都渠長趙世亨副渠長  
王仲玉等二曰石堙渠自峪口西南文谷河內  
起水下至交城等村接連三十程爲率開柵八



程餘者交城等村三曰官渠源自峪口西南文谷河內起水一十四程內開柵五程武陵三程東賢三程文谷三程都渠長孫德茂副渠長武君祥等明永樂十三年正統三年本縣知縣張安董輔奏奉工部當字四百六十一號勘合差官踏勘照舊疏通成化六年四月初六日蒙巡撫李批准洪安都民趙完等狀轉行與寧道案發太原府委檢校胡會知縣郝某文水知縣孫某沿河踏勘古蹟碑文照原舊分數使水爲定例至嘉靖二十七年本縣致仕知縣解學禮因古渠壅塌先以理屈彼豪仍捐粟大開渠道至隆慶三年本縣知縣韓廷用查申上司准委本府同知王某踏勘古蹟定開東等三都使水七分廣步等三都使水三分文卷尙存大失古制民多憾之三渠源流詳見河例簿

### 新渠

萬曆二十二年知縣周璧於城北磁瓦二河督令隣河有地之家均力挑濬引水灌田得沾水



利者不下二十餘頃又于辛南鄭段等都令近河居民楊惟喬等經營挑渠以分河水利可備旱澇足垂永久無窮之利鄉人號爲新渠卽此是也

却月湖

在縣城中東南隅周圍約二里許聖母廟離相寺列其濱湖舊無名亦廢棄不治康熙七年縣令趙吉士臨視以爲有西湖風致乃沿湖築堤植桃柳數百中置畫舫備遊逸名曰却月湖爲十景之一曰却月晴波

狐神祠井

在城北狐神祠內其水極甘冽有亭有碑遇旱取水禱雨每有靈驗爲十景之一曰北祠靈井  
玄真觀井

在城西北隅玄真觀中其水極甘冽

磁窰河官堰

在磁窰溝口每年官率各夫役運石壘砌以障塔茨水防衝城患



瓦窰河官堰

在瓦窰溝口每春夏雨久輒防衝決城垣康熙七年縣令趙吉士相地形高下壘巨石築堤障水南流凡長一百五十餘丈高六尺廣丈餘夾岸植柳數百根蔓交錯堤藉以固名曰臥虹堤由是山水不得旁溢當四五月間一望菁葱婀娜翠色欲滴爲十景之一曰臥虹烟柳

古蹟

石鼓窮文禹穴探竒至有遇斷碑殘碣猶欣然拂袖而觀一目者何也蓋霄壤間無物非實理儼一物不知于理爲障故格物致知君子所不廢也矧古今一瞬後之視今猶今之視昔也值今不載將漸入磨滅安知不至於魯魚豕亥之訛耶故于古蹟亦詳誌之

趙吉士曰詩有之高岸爲谷深谷爲陵古蹟之磨滅蓋不可勝計也幸存矣而不可攷攷矣而



訛交古蹟十其然豈其然乎

古交城

在今縣治東北九十里河北都故交村

盧川故縣

在縣東北界七十里盧峪口唐嘗爲縣後廢

太陵城

在縣西南十里按通誌係春秋時大陵城趙武

靈王夢處女鼓瑟而歌卽此地漢改爲大寧縣

衛綰生於斯後魏廢縣明賜寧化王名大陵屯

前屬文水縣後割土安川以易之因屬交城

馬蘭城

在縣北九十里孔河之下卽今馬蘭村是漢魏

北齊嘗爲牧馬之處

榆城

在縣西北一百三十里文谷水源上其地多榆

故名

下馬城

在縣北一百六十里與靜樂縣接界魏孝文往



來避暑下馬之處

### 萬根谷

下有石墟俗傳魏孝文避暑之所見一統誌

### 大通鐵冶監

在縣西北八十里西冶村舊設都提舉司鐵冶所巡檢今俱廢

### 龍堂岩

在縣西北七十里水東都野猪溝入一名臥雲  
菴岩南向高三丈深五丈闊四丈穹窿覆幃四  
際石瓣羅列隱起若雲中有一石垂下形像高  
聳宛如龍首故名岩內西北隅及西南隅各有  
竇穿入深不可測浸浸有水流會爲一小池  
居岩前足供僧人飲食其二竇口各有水滴岩  
下成寒水石遇雷將起先日竇中有聲每以爲  
驗岩內偏左舊建龍王堂一椽嘉靖年僧王懶  
雲移建岩外岩面西南隅約高三丈許舊有一  
小石洞從外懸梯而上可容十餘人今寨外口  
爲窓櫺下鑿一口通岩內設長梯升入遂成險



窟亦懶雲爲之又砌石堵於岩外拓基可三丈許上建禪室數楹穿廊曲檻極其秀雅且週圍疊巘翠柏青松水流石峙不獨形勝足誇盜發鄉人多避兵於此

臥虎岩

在縣東北二十五里臥虎山中古傳梵王太子夜出宮從盤陀石來及七帝修覺之處其睡化金骨虎石腳跡至今存焉

西仙洞

在縣東北二百里河北都神師山下西北溝入五里有龍王廟一楹廟右有洞口東向口門塑像俗呼七郎神洞口僅二三尺許可容一人匍匐入前三十餘步稍闊可直身又進一里許比前高闊其石多垂下尖銳如礮削又進一二里忽見石壁四圍無徑可通下矚一穴圍圓可五尺餘深不可測耳聞有水聲潺潺然更不知其源流也人至此多駭懼不進又傳言土人有進入穴下者言至穴底復有旁竇向西穿入一偃



一仰行一里許道復平有水一泓自西北流去  
東南水勢甚急內有枯木橫亘絕無人跡不敢  
渡而回土人遇旱齋戒入洞取水出輒雨屢有  
驗

東仙洞

出處見山川口旁塑六郎神像無人入之者

白牛洞

在石壁山東溝東南崖半北向洞口約高丈餘

闊五尺深不可測

西社龍門

在縣西北五十里西南都山水極佳爲郝解二  
氏發祥之地舊有巨石當山水不得通忽夜  
迅雷其石自裂水通流焉世傳西社龍門爲十  
景之一

青龍洞

在縣西北七十里水北都榆群村洞深數里從  
石窟穿入禱雨多靈應

陵墓







延陵有墓孔子嘆而表書展季遺丘秦王禁其  
樵採則知古君子之盛德高風與夫殊猷偉績  
生可以被當時沒足以垂後世是以千百載之  
遠或有遺丘荒壟猶爲人所想慕而歆羨也如  
此信乎天理在人心者常不泯矣世之英雄豪  
傑固寧烈烈不當泯泯

趙吉士曰交自春秋以來分割建都屢爲畿內  
地其爲窳域地多矣今存而可考者不過十數  
大抵皆王侯將相然則賢人君子不幸而不爲  
侯王將相以至不得保其抔土者何限歟雖然  
其幸而存者果皆以侯王將相故耶則其人與  
其骨俱朽矣

周

周王交墓

在城西南汾水上金大定中東岸崩得古墓有  
鬲十餘鍾磬各數十鬲有蓋者幾三尺其中寶  
物猶存鍾磬小者僅五寸大者至三尺凡十有  
二今器不存而墓址尙有微跡舊誌有是稱攷



一統誌太原誌僉曰三交墓則上遺周字次易王字矣不知何所據今無可考存疑以俟後之君子

趙襄子墓

後人訛傳爲王在城內西北隅宋大通監判李隨撰碑今碑無存康熙五年署事陳方舟建三皇廟於此康熙九年知縣趙吉士修墓立碑

狐侯墓

在縣西北馬鞍山諱寔爲晉大夫宋宣和五年封利應侯子毛偃俱葬於此三墓至今存鄉人建廟於上以祀之

唐

張監軍墓

在縣西兩十五里洪相村諱承業詳見人物誌今墓存

李將軍墓

名存孝代州飛狐人也本姓安名敬思太祖掠地代北得之給事帳中賜姓名以爲子常從爲



騎將存孝猿臂善射身被重鎧橐弓坐稍手舞  
鐵撾出入陣中以兩騎自從戰酣易騎上下如  
飛後爲存信所陷太祖縛載後車至太原車裂  
之以殉詳見史記墓在洪相村西今存

五代

晉高祖墓

姓石名敬瑭爲人沈厚寡言唐明宗愛之妻以  
女永寧公主天成二年以爲河東節度使清泰  
三年五月徙鎮天平敬瑭不受命請其屬曰吾  
之再來河東主上面許我終身不除代今忽有  
是命是疑吾及也因舉兵滅唐丁酉卽帝位詳  
見史記今墓在縣西北六十里近爲河水所沒  
見一統誌

元

婁樞密墓

在縣東北二里諱秀爲樞密院參議

柳國公墓

在縣北二里諱天提元中書平章封冀國公詳



人物誌

覃元帥墓

一諱資榮一諱資用在城西北二里詳人物誌  
各有碑記

覃弘農郡公墓

在前元帥墓側諱澄先爲交城令官至按察使  
羅羅斯副都元帥封弘農郡公謚忠宣詳人物

謝將軍墓

諱仲温在宣慰墓後有碣郝忠恕書至正十五

年立

謝宣慰墓

諱君寶在城西狐神廟右有碑碣

謝大夫墓

諱沒歡在宣慰墓下元時爲嘉議大夫達魯花  
赤兼領勸農事有碣

解元帥墓

諱義元統時兵帥在縣西北五十里西社村虎  
昂山上有碑記



張參議中書省事墓

諱德輝在城西北二里瓦壑河東詳人物有碑

明

鮮知府墓

諱一經在縣東北一里有碑吏部尙書楊魏書

詳人物

風俗

舊通誌俗尙儉嗇人性朴實農末相資新通誌

人性朴實農末相資地瘠邑衝今儉嗇者漸入

浮靡朴實者頗多愚詐知耕不知織尙氣不尙

禮所幸者士漸敏學民慙直顯露猶有古風

趙古士口交之俗略知桑麻不好文物悍而輕

生易於犯上然勤儉出自天性習勞苦少游惰

近頗豐裕其輸情尙易裁以法柔以教需之歲

月以輔其所善而去其所弊庶幾陶唐氏之遺



風云

節序

冬至

祭祀慶賀

元旦

祭祀慶賀

立春日

有司祭芒神鞭春

正月初九日

祀玉皇大帝

元宵

張燈火結綵樓慶賀

二月初二日

祀文昌帝君

清明日

拜掃前數十日戲鞦韆

三月初三日

祀玄天上帝

三月十五日

祀三義神金祀三祖師神

三月二十日

祀鄭侯神

四月初四日

祀馬王神

四月初八日

鄉人遊王山為浴佛會

四月二十四日

祀白衣大士

五月端陽節

飲菖蒲酒食角黍泛舟却月湖

初六日

遊王山祭聖母廟鄉人携榼散飲于蒼松白石間各以其類日暮方歸

五月十三日

報賽關聖帝君



五月二十七日 報賽城隍神

六月初六日 報賽崔府君

六月十五日 報賽龍王神

七月初二日 祀昭濟聖母于下廟

七夕 乞巧

十五日 為中元節祭墓報賽  
忠惠利應侯狐公廟

二十三日 報賽河神

八月十五日 為中秋節賞月

九月九日 登石壁山

十月初一日 祭墓

十二月二十四日 祭竈掃舍

除日 嫁娶

鄉儀

冠禮 士大夫家間一行之志成人也

婚禮 近不論財志人道也

喪禮 士大夫家不用浮屠志慎終也

祭禮 康丞建祠堂四時舉祭此曠典也近士大夫家惟置主以時祭之志追遠也



交城縣志 卷之三

建置攷目錄 計十四條

城池

關城

堡塞 場廠墩墩等附

器械 防禦攷附

橋梁

舖集

錢塘 趙吉士編次



縣志

學宮 制書祭器附

坊表 附

公署

祠祀

里甲

郵典

寺觀

交城縣誌

建置攷

按王制畫野分州郡邑之建也舊矣交邑之建

置會陵原之變遷際正閭之禪革其圯移析併

更名易隸者不一要皆理勢之不容已也非紀

述沿革之詳則必指赤壁為兩地矣官于斯者

若旅人之規傳舍樂無為者藉口于守成計私

索者無心于公署上下頽廢將誰諉乎是故君

子貴矣矣夫曰勞民以傷財誌建置



趙清之若子過都歷邑徃徃觀其國一切  
切建置之多強以十其政事之得失蓋國無大  
小其爲有郭官舍以固封守有庠序倉廩以  
隆教養有社稷祠廟以大祈報一也交邑險安  
不忘危故其建置也嚴交俗悍煩不如簡故其  
建置也慎攷而訂之比舊加審有微意焉

### 城池

土城周迴五里餘九十步高一丈五尺爲門三  
上建濠池自唐天授二年長吏王及善因從

縣治而築至元末院判王浩重修明洪武三年  
增修景泰元年典史邵琮重修嘉靖二十一年  
北兵南下撫臺史特委都司檢校前御史舒鵬  
翼督同署縣知事姬宗岐增高五尺補築塌塌  
者約十餘丈引禮單世家義修城北一樓二十  
六年知縣鄭鏞增厚五尺加高一丈益置敵臺  
三十四各冠以警舖池闊與高等深池半沿堤  
植柳護之開創西門爲月城爲重門上各建樓  
櫓三十八年知縣宋瑤撤土障悉以磚其千



有五百城連高四丈根厚二丈三丈頂闊丈尺不一增修樓櫓東南尤爲壯麗各題石東曰據晉南曰帶汾西曰臨晉山陰慶四年知縣韓廷用周廻增築城濬壞仍修飾之東榜曰永康樓南榜曰人和樓北城復高其基而易之以廳西則仍舊焉四角各冠以樓樓各十二楹女牆一道石壘三尺鑿池深廣各三丈外復列垣爲蔽補柳周匝知縣張文壁重修至萬曆二十一年知縣周壁又重修迨崇禎十三年知縣薛國柱廣圍俱包以磚石增高丈餘門樓角樓墩臺規制較前俱闊足爲一方保障云

國朝康熙九年知縣趙吉士重建北城樓垣一新繕城植柳樹三千餘株詳載碑記



關城

周禮掌固氏掌修城郭溝池之固仲尼曰王公設險以守其國夫修城郭溝池而固焉是謂設險蓋城池設險守固善之大也交之城郭庚子丁卯邊事孔棘矣乘時繕修專城者咸著績焉故險要城則甘泉無烽火之通而國勢尊沃野城則耕稼無奪時之苦而民生遂君子謂此亦可以觀政矣

趙吉士曰縣之東關非制也兵家者言攻瑕則



堅者瑕雖有百仞之城一罅崩潰弗能守也吾  
觀東關四圍工垣又廢缺不固防穿窬尙不足  
安能禦捍犄角幸而承平無事一旦有警卽與  
賊分城而處矣可乎故爲百年計必連築關城  
合大城爲一然後以守則固吁非常之舉黎民  
所懼交民偷不顧其後及吾身而能計之甚善  
否則後之君子幸思吾言

縣東南北各有關惟東延袤二里許民居稠密  
明嘉靖二十年知縣鄭鎬創築墻垣高二丈一  
尺根厚二丈頂闊九尺墜深一丈廣如之隆慶  
四年知縣韓廷甲重修接築直抵玄武閣增高  
一丈其厚得高之強半其外爲馳道爲隍深廣  
各與高等其堤列垣爲蔽植柳護之四面鐵門  
內外甃以磚石各冠以樓櫓設爲警備卽日  
可四十有六器亦如城守禦

國朝順治年間屢被河水泛漲傾圮八九康熙八年  
知縣趙吉士議修築未興工



堡寨

各鄉堡寨相度地宜依形據險而爲之因地團聚爲制不一皆積矣石備器械藥物具饌糧惟內外共而併力防守所備者寡所操者要尙何小警之足患云

趙吉士曰捷險乘便堅壁清野使地各爲守賊至無所恃遠則背腹擊之莫善于堡寨然必便芻牧近水泉大者可容千室小亦百家然後氣完而可守否則資寇兵而藉盜糧徒聚而殄耳



交山勢盤錯頗歷變亂故多堡寨墩堠然徒知

扼險于制未得可暫而不可久持也

寨

水泉寨

在河北都故交村高百餘丈周圍俱石崖上壘墻垣堦口內有神廟三間小房數十間西北止有單行小路小門

龍頭寨

在孔河都關頭村南高百餘丈周圍石崖內寺一僧房七間北止單行小路一寨門一擲馬墻高六尺山勢陡聳

盧頭寨

在水東都西冶近村高百餘丈周圍壁立巉巖上有墻垣堦口北面止獨行小路寨門

梁家寨

在中都梁家寨高百餘丈周圍石崖峻險女墻一道高六尺東北止單行小徑

三山寨

在西南都橫嶺村高百餘丈周圍石崖女墻一道高五尺寨門一座北有小道僅容一人行

石壁寨

在洪安都北十里張寺東南一嶺孤高下流時多戰壕上有亭宇三間四面

三層寨

在西南都西社近村高約百丈上有石二座擲馬墻一道高六尺四面陡險

演武場

舊在城東南通濟橋古河灘今移城西

演武廳

在城東門外五年興事重修



旗臺 一座隆慶二年知縣韓廷用建今移城西南

草廠 舊在縣西立禎觀南萬曆九年知縣吳騰龍改建預備倉

墩臺 三里一設附郭尤多山嶺高阜恭布星列

斥堠 一設各村以表

器械

趙吉士曰吾聞之器械不利以其卒予敵也故攻守之道軍器最重器之用莫猛于火莫利于

佛郎機 大佛郎機 小佛郎機 蓋口砲

鳥銃 三眼鎗 鉛子 火藥

長刀 長鎗 斬馬刀 銅斧

鐵棍 腰刀 悶棍 弓箭



防禦攷

附

趙吉士曰城以衛民兵以殺賊城不能衛民與  
無城同兵不能殺賊與無兵同交之關城土垣  
淺薄一有警棄之不可守之不能豈獨不能守  
及奪大城之險前事之失後事之鑒也交旣阨  
險阻盜風易煽故雖承平亦不可無兵然少則  
不足多則累民吾聞之善搏者扼其吭相形勢  
出入必經之地乘高列哨當使烟火相望游騎  
相接則百夫雖寡可彈壓之而有餘矣



設立防兵

麥之西北山盜藪也明天啓丙寅山盜王才宏  
哨聚千命劫掠村堡知縣芮浩申請院道創建  
營房於孔河都岔口等村屯駐官兵百人此  
縣設立防兵之始也久之才宏勢張肆擾  
城關震恐又請添兵二百守禦加嚴崇禎三年  
庚午流寇西來騎步數十萬山鄉焚劫一空  
幾渡河而南畱賊衆短毛子王剛等盤據  
者數載岔口營房悉行燒毀防兵退駐開棚  
急無濟崇禎十一年復議中西都寨子村建  
營房官署築堡圍之守備薛敏忠統馬步官兵  
五百名屯駐此地招集流亡彈壓群寇民賴以  
安至我

朝順治五年姜逆倡亂於大同全晉騷動山賊  
群起大肆搶掠城關失守防兵退駐開棚任彼  
鷲奔豕突不敢與之爭康熙初年中西都土人  
各捐已資重修營房請乞官兵入山鎮守未果  
今防官強成甫統步兵百餘仍舊屯駐開棚以



防守交城之官而寄營伍于文水且所駐非扼要地殊失當年設立防兵之本意

防官

明

薛敏忠 守備官至三團營總兵

張有名 守備

李紳 守備統兵三百名

國朝

陳履信 防守統兵一百名

秦邦定 防守

廖士俊 防守

韓昌祚 防守

沈海 防守

尤玉 防守

趙廷 防守

張進賢 防守

袁良弼 防守

李祿 防守



李國威 把總統兵一百三十名馬十四匹

魏成時 把總統賜吳太原府交城縣人

城關失守記畧

趙吉士曰予深入交山見其險阻可恃凡穴居  
巖處稱為耕鑿愚氓者皆昔日焚劫之餘孽也  
此輩亡命遺跡原無顧憚若偶然嘯聚輒請勦  
捕無完人無寧字矣官斯土者但順其情而導  
之開以自新之路不追既往之愆又挑逸衆所  
信服者一二人推廣而至數十人優之禮貌厚  
加體恤使回心向化者益知所勸而不肯與之  
相連相比則惡黨自孤而渠魁可以立擒山民



無所煽惑搖動自然相安于無事亦貴靜以綏之耳附記關城失守于防禦攷後後之覽者甚無易此山民也

明崇禎六年四月流賊短毛子等從北山乘夜擁衆直抵城下多設雲梯謀襲大城官民設法防禦賊不得入遂進南關大肆焚掠天明仍不敢入山官兵不敢進而問焉哉

朝順治五年姜總兵叛據大洞山賊乘隙聚衆萬餘村落成墟十二月二十二日突入東關焚燬房屋搶掠人民至次日賊後引衆盤據兩山事聞巡撫發參將千總等率兵來援因令鎮守交邑值姜逆僞都督劉探知交山盜起率騎步從靜樂遠來合夥六年三月十四日駐防官兵假以探賊爲名直入峪口以西與賊盟焉

日昃勾引群盜反戈攻城防兵內應大開東門放入署縣事周倉惶出奔群賊逼至儒學魁星樓下殺之賊兵布滿四城暴掠拷打徹夜次早復散入交山四月初有僞撫院姜姓僞布政劉



姓者來縣騷亂不數日南襲文水汾州等處安  
偽官於附近州縣五月由汾州北上謀陷太原  
至晉祠遇我

朝大兵剿散賊衆偽官聞風逃竄越三日王  
師南下鄉民開城迎接王大喜撫慰有加命  
新官王起龍理縣事此後賊氛雖平而遺孽不  
絕作何解散其可忽諸

### 橋梁

周禮合方氏掌達天下之道路王制杜梁時成  
民未病涉王政之所先也吾交西北山陡水滄  
河流失道則泛濫旁溢生民漂徙覆溺相仍蕩  
村落爲患屢矣或自遂人失職先王之政不行  
乎昔子產相鄭以乘輿濟人孟子譏之孔明治  
蜀雖橋梁道路罔不修理今之從政者尙鑒于  
茲

趙吉士曰交之山十倍于地故患旱然一遇大



雨輒羣山奔瀉其澇也又不測故修橋梁與築  
深堰其急等王制十一月徒杠成十二月輿梁  
成爲廣川大河言也交之地冬則冰堅水涸不  
病澇其患在夏秋之間當修之以時

通濟橋 東城門外有碑記

石橋 小東關門外

東郭橋 東關外接官廳前有碑記

廣仁橋 關城北門外有碑記

西門橋 西門城外

南河橋 城南八里許俗名禿尾河夏秋水泛澇  
因建橋于此

遷安橋 城外西北木石構結由此登石壁寺有碑  
記



舖集

三制日中為市以交易民最便也時事日趨于  
偽因有奸猾把持與夫征權無筭者矣邇來牙  
棍攫取以給愚民百計多方不啻登壘斷而已  
也當事者可不加之意乎

總舖 在縣東三楹東西各二楹門一座

舖 在縣東十里接清源縣蒿泊舖

舖 在縣東十里接文水縣關廟舖西舖俱  
有官廳三間舖亭一所門有坊有墻垣  
各處界大墩黃各石



城市集 舊一日在關七日在縣前五日在城東門內三日在城西門內九日在南關今俱移城外

段村集 城東二十里偶日今廢

故交集 城北八十里二七日今廢

虛峪口集 城北一百二十里三八日今廢

中西畚集 城西北一百六十里今廢

四庄集 城西北一百三十里今廢

屯蘭庄集 城西北九十里一五日今廢

南堡曲裡村木集 城西北四十里舊立廠西山一帶完耀糊口之需皆取辦於此

康熙二年因文水民爭列許訟巡撫楊批革水廠于是交山之木不拖至文水峪口即不得賣而帶山數百里納賦良民俱不聊生矣夫搬運隣邑既苦民力幾于別縣蓋費民財守賣他鄉又失民時此近歲之所以丁逃糧遺也八年知縣趙吉士申詳在政司達示禁文水峪口私販不許設牙費稅等語文水之小泉灘自行變賣山



縣治

三署

元大德八年建鐵冶都提舉司近西北隅元末  
革至今猶有金火廟址明洪武三年改爲縣治  
創建者無徵景泰元年典史邵琮增修中爲堂  
扁曰牧愛東西分列六曹中爲戒石銘亭堂內  
左爲公贖庫鐵門中甃爲甯縣令吳騰龍建右  
爲公器庫貯軍裝器具火藥縣令韓廷用建後  
爲至公堂東爲茶房西爲內庫前爲儀門二角



門東爲輕犯監卽金火廟爲女監西爲犴獄周圍三十七丈一尺垣高一丈七尺底用大石入地六尺厚如之俱用磚墜墀百有十一女牆三尺中央看監樓一坐西南兩角冠以警舖晝夜巡邏知縣吳騰龍建承祭科架閣庫倚六房之南儀門之外知縣齊一經改土地祠又建迎賓館迤南舊爲申明亭改爲紀綱法度櫃房西舊爲旌善亭改爲公平正大櫃房首爲大門上冠譙樓外榜縣號歲久且敝吳騰龍又重修之大下天啓年俱改造

內署

門外建申明亭於東旌善亭於西皆南向外暨坊表題曰三晉名邑曰平易近民自申明亭以下嘉靖三十八年知縣丁登建萬曆二年知縣齊一經改修年深圯壞墻不及肩

國朝康熙七年知縣趙吉士聚材興工捐資給餼周圖易土垣爲磚砌自二堂三堂及內室皆廣三間爲五間東西建偏廳廚房耳房共十六楹別



築陶縱書室冰壺臥琴軒柱笏亭遙集臺詳載碑記

縣丞廨

在正東明萬曆十四年縣丞許科修葺之後移

建正西

主簿廨

在正西明萬曆四年主簿張汝幹重修十三年

主簿董謙另建西廡三間四十年裁缺今圯

典史廨

在縣丞宅南知縣鄭恭建公廨四十餘間與令

重修後圯移建正東

堂西有鑾駕庫就地康熙三年署事陳方舟重

修堂東有典史廳康熙三年署事陳方舟改爲

鄧侯祠



學宮序

學校之設尙矣卽周辟雍魯泮宮是已國家稽古右文建學立師雖荒服衛所不廢俾成人有德小子有造期有用於天下以追蹤隆古之盛也交城密邇畿輔素稱文獻涵濡聖教以來聲流化溢人文丕變矣比來玩愒因仍士習不逮前修也爲師者能明道以立教爲士者能體道以敦倫則道德文章媲美先哲菁莪棫樸可見於職作養之責者庶亦有辭於永世也夫



趙吉士曰學校莫備於明洪武永樂間凡學博必極一時之選而又有齋房以居士齋夫以供役學田以周貧詩書以肄業又有祭器以習禮射圃以觀行月課黜陟以示懲勸蓋其所以養育而造就之者無不出於是故成弘之時人材輩出得人之用于斯爲盛其後日漸陵替至末季徒以奉先師居學博爲有司二時丁祭朔望行香之地而已所爲養育造就之實蕩然矣何怪乎士習之日偷也哉

自宋有天下三十年每

初學使者必以取真才敦實行爲重風動天下至矣前膠州王君蒞茲土重修邑學規模壯麗甲於一郡養育造就之地亦旣備矣居其地顧其名務舉其實是司鐸者之責也夫

學宮

在縣治東元大德至正年間修明洪武年間知縣王允恭任遠道相繼修天順二年右參政楊璠令知縣楊鐸增修嘉靖十八年知縣高自明



建啓聖祠三楹於堂東歲遠圯敝嘉靖二十七年縣尹鄭鎬重加修葺中爲先師殿左右爲兩廡仍舊圖新前爲戟門爲泮池爲泮芹香遠坊爲櫺星門榜曰先師廟門爲柵爲屏明倫堂在殿後翼以進德修業二齋于東西爲義路禮門于輿地爲儒學門于前街堂西爲教諭宅西南一訓導宅義路西一訓導宅萬曆四年縣令齊一經重修殿廡門坊堂齋廡宇建尊經閣於堂後改敬一亭於閣後刻祀名宦鄉賢于戟門外

之左右仍舊以禮門之東爲文昌祠有方伯胡體乾記通政使李勳記云萬曆十一年縣尹吳騰龍建魁星於城垣之正北萬曆十七年縣尹張文璧改建教諭宅于堂東修射圃亭於學宮北垣之西萬曆二十年知縣周璧添建教諭宅三楹又重修文廟殿宇門欄兩廡名宦鄉賢及儒學齋房各煥然一新有碑記天啓五年後建魁星於輿地儒學門增爲樓閣崇禎丙午年署縣事王凝令重修墜前買民居二院創建櫺星



坊三座復建二坊於大街之東西左為日德配  
天地金聲王振右扁曰道冠古今江漢秋陽廟  
貌一新有督學道桂一章碑記

國朝順治十八年知縣王如法大為創修御史李之  
奇督工大成殿前止三楹今增高二層擴為七  
楹兩廡易為轉角各成六楹戟門三楹角門二  
楹較前俱擴鄉賢名宦前各三楹今各五楹泮  
池砌以石橋圍以石欄櫺星三坊面南豎以大  
壁禮門在東義路在西建魁星樓於巽地下砌

石洞上豎木樓移文昌祠于明倫堂之左移啓  
聖祠于明倫堂之右移儒學住宅于尊經閣之  
西諸廟俱圍以磚砌蓋以琉璃輝煌壯麗成巨  
觀矣有督學道史克琦邑人御史李之奇碑記  
制書

四書 一部

四書大全 一部

易經 十二本

詩經 十二本



書經 十本

春秋 十七本

禮記 十八本

性理大全 一部今廢

通鑑 一部今廢

五倫書 六十一本

明倫大典 二十一本

孝順事實 一本

為善陰騭 一本今多殘缺

祭器

錫鐵盞 一百四十一箇

錫鐵爵 三十八隻

錫鐵燭臺 二十對

琉璃罇 一十八箇

琉璃高盞 二百八十四箇

琉璃匾盞 四十一箇

琉璃爵 三十二隻

木祭盤 七箇



燈籠

坊表

附

趙吉士曰畢命之篇口旌別淑慝表厥宅里樹  
 之風聲殊厥井疆俾克畏慕先王之教天下如  
 此其至也後世所為殊厥井疆者無有矣惟坊  
 表之設猶有樹之風聲遺意然吾攷交邑名坊  
 大御科甲仕宦而表義民者僅一見交之坊其  
 亦為之節羊矣附之學宮之後誌感也

三晉名邑坊

縣門外知縣丁登立今廢

御史行臺坊

察院門外知縣吳騰龍創建



燈籠

坊表 附

趙吉士曰畢命之篇口旌別淑慝表厥宅里樹  
 之風聲殊厥井疆俾克畏慕先王之教天下如  
 此其至也後世所為殊厥井疆者無有矣惟坊  
 表之設猶有樹之風聲遺意然吾攷交邑名坊  
 大部科甲仕宦而表義民者僅一見交之坊其  
 亦尊之飾羊矣附之學宮之後誌感也

二名邑坊 縣門外知縣丁登立今廢

御史行臺坊 察院門外知縣吳騰龍創建



敬揚坊 察院西知縣鄭鎬修

城隍廟坊 廟巷口

忠惠利應侯坊 縣大夫廟前

乾坤正氣坊 關王廟前

進士田坊 為丁未科韓祐癸丑科李天賦立

桂芳坊 為壬戌科常茂立

進士坊 為辛巳科解一貫辛巳科胡體乾立

明進士坊 在文廟東知縣齊一經立

明鄉舉坊 在文廟西知縣齊一經立

解元坊 為丁卯科解一貫立

登雲坊 為甲子科解一經立

聯芳坊 為舉人韓鑄韓祥韓祐立

桂榮坊 為舉人白鳳立

翔鳳坊 為辛酉科韓宗孔立

奪錦坊 為甲午科亞魁孫尚志立

奉訓大夫坊 為孫尚志立

亞魁坊 為癸卯科常永澄立

挺秀坊 為甲午科亞魁趙忠立



亞魁坊 為丙午科李天賦立

步蟾宮坊 為丁卯科王麟立

飛黃坊 為壬子科胡昂立

承芳坊 為乙酉科胡進律立

光裕坊 為知府李景立

繡衣坊 為李天賦立

司諫坊 為吏科給事中解一貫立

勅贈坊 為監察御史胡方獻立

柱史坊 為貴州道胡體乾立

橋梓聯芳坊 為丁酉科王三重甲子科王衍義立

華莠並茂坊 為丁卯科解一貫甲子科解一經立

文進坊 為甲子科王衍義立

世科坊 為丁酉科王三重甲子科王衍義立

亞魁坊 為丙子科曹署篆立

飛黃直上坊 為癸卯科舉人韓與行立

鸚鵡表橫飛坊 為丙午科舉人閻國本立

鴻臚坊 為鳴贊覃繼芳立

義民坊 為王文立



畿輔循良坊 為王龍王三重王衍義立

境內界坊 康熙八年俱知縣趙吉士重建改題

東界離城二十里坊 外題曰清源在左  
內題曰交水在右

東界離城十里坊 外題曰舅犯故里  
內題曰襄子遺烈

西南界離城二十里坊 外題曰文峪南流  
內題曰晉陽西境

西南界離城十里坊 外題曰大陵故城  
內題曰鼓瑟餘音

### 公署

詩曰君子攸躋以視事也君子攸寧以安身也

周禮天官調官府次舍者以此所以辨上下陳

紀綱居中而制外非直為觀美已也交之公署

自縣治外為學宮為行臺為分司為府館下及

百司寓所罔弗備焉弗備者缺也犯麗者侈也

建葺中正俾勿壞斯為善矣

趙吉士曰善哉言乎弗備者缺也犯麗者侈也

今察院諸公署圯壞甚矣大行臺各司以時巡



行封內輿徒皂隸不免露處焉吁吾將葺之而

虫虫者且以為毒予也

察院行臺

在縣治東中為堂扁曰冰玉曰貞肅前

為儀門東西為序又前為大門後為退

堂東西為吏舍厨次周繚以棘垣萬厝

九年縣令吳騰龍于堂東建茶廳三楹

增駐節觀風門屏一座東西為候官廳

二各三楹門外壁御史行臺坊

布政分司

在察院東中為堂扁曰康阜左右為廡

房前為儀門為大門後為退堂東西為

吏舍厨次今就圯

按察分司

在布政司西中為堂扁曰振揚風紀其

制如布政分司今就圯

陰陽學

在總舖西

醫學

在總舖東以上二學房各一間門各一座俱

知縣張文璧創建久就圯知縣薛國柱奉兩

院文修城變價

僧會司

舊在城西南定慧寺

道會司

舊在城西北隅立禎觀



行封內輿徒皂隸不免露處焉吁吾將葺之而

虫虫者且以為毒予也

察院行臺

在縣治東中為堂扁曰冰玉曰貞肅前為儀門東西為序又前為大門後為退

堂東西為吏舍厨次周繚以棘垣萬曆九年縣令吳騰龍于堂東建茶廳三楹

增駐節觀風門屏一座東西為候官廳二各三楹門外壁御史行臺坊

布政分司

在察院東中為堂扁曰康阜左右為廂房前為儀門為大門後為退堂東西為

吏舍厨次今就圯

按察分司

在布政司西中為堂扁曰振揚風紀其制如布政分司今就圯

陰陽學

在總舖西

醫學

在總舖東以上二學房各一間門各一座俱知縣張文璧創建久就圯知縣薛國柱奉兩院文修城變價

僧會司

舊在城西南定慧寺

道會司

舊在城西北隅玄禎觀



祠祀

國之大事在祀所以致祈報通幽明而陰陽下  
民者也山川土田聖哲之類皆民所賴以爲生  
凡有功德於民者則秩諸祀典例得血食于地  
方故爲廟爲壇爲祠爲堂歲舉祀事以禋之至  
於祀典所不載者廟宇森列闔閭聚享有禱輒  
著應祐是亦有益於生民不可無也法得備書  
職與神人者能格共祀事則百靈效順民多受  
祉矣不則爲失經爲亂道神將吐之其奈何不



慎

趙吉士曰入其疆無廢祀無淫祠國有人焉交之境其庶幾乎吾忍爾

文廟

至聖先師廟 在縣治東歲二祭以春秋仲月上丁

漢祀孔子於闕里隋始命州縣學皆以春秋仲月釋奠漢平帝時封褒成宣尼公唐玄宗封文宣王元成宗又加為大成至聖文宣王其弟子及從祀諸儒或封公侯或封師保元三間加封顏回充國復聖公曾參顏國宗聖公及後沂國述聖公孟軻鄒國亞聖公廟制始於宋太祖元榜為大成殿冕服始於徽宗加冕十二服九章明嘉靖七年始定至聖先師孔子

大成殿曰先師殿四配十哲俱稱子諸儒稱先儒某子

啓聖公祠 在文廟西北歲春秋二仲分官致祭與釋奠同日

按孔子父叔梁紇舊無祭元至順間封齊國公明嘉靖九年議以齊國公無祭為闕典又顏子曾子坐堂上顏子父路曾子父點在廡下及孔鯉激公宜亦無祭乃推所生之義定啓聖公祠祀以顏路曾點孔鯉激公宜配程珦朱松蔡元定從配萬曆二十四年部議進周敦頤父周輔成從祀位程珦上

文昌祠 在文廟東北歲春秋二仲分官致祭與上丁同日

魁星樓 在文廟東南歲春秋二仲以上丁日祭

東廡 在正殿東歲春秋二仲以上丁日祭



西廡 在正殿西歲春秋二仲以上丁日祭

名宦祠 在文廟內戟門左歲春秋二仲從上丁日

鄉賢祠 在文廟內戟門右歲春秋二仲從上丁日

社稷壇 在縣城西北壇崇三尺廣八尺四出陞各

年久俱廢歲春秋二仲以上戊日祭

風雲雷雨山川壇 在縣西南壇崇三尺廣八尺四

所俱廢惟門房嘉靖四十三年知縣丁登重修

城隍廟 在縣治東北仲夏念七日鄉人結社以祀

土地祠 在縣治內譙樓東北春秋二仲上戊日祭

尸蜡廟 在縣東南十里許有記春秋二仲上戊日

邑厲壇 在社稷壇西壇崇三尺廣八尺周繚以垣

今廢歲祭春清明日秋七月十五日冬十

月初一日 各里俱設祭期如邑厲

王皇廟 在縣治西北萬壽宮正月初九日鄉人結

社祀 在東關城門上三月初三日祀

真武廟 在城東北七里今廢

東嶽廟 在南門月城五月十五日祀

關帝廟 一建於西城外明知縣薛國柱創建鍾鼓

龍王廟 二樓一建於縣西南二里成村六月十五



恩惠利應侯廟 在城北門外七月十五日祀

三義廟 在縣治東北三月十五日祀

三皇廟 在縣治西康熙五年署事陳方舟修建

魏孝文廟 在縣西北曲里村西社村俱有廟

舞陽侯廟 在縣西北五里瓦窰河東按史記列傳樊噲沛人也從高祖起豐沛定天下賜

爵列侯與諸侯剖符世世不絕食舞陽號為舞陽侯後從高祖攻韓王信於代自霍人以往社

預云霍人晉邑也當作葭人地里誌云霍人屬太原郡道過交城有功於民故立廟祀之

崔府君廟 在東關內六月六日祀

昭濟聖母廟 在縣治東南隅俗名下廟即晉祠聖母行祠也七月初二日祀

三祖師廟 在縣南關三月十八日祀

水泉聖母廟 在縣北十二里今廟存池淤

聖母廟 在縣北十三里王山下縣令吳騰龍建四月初八日祀

聖母廟 在縣北十里義望村

聖母廟 在縣南縣令張文璧建

聖母廟 在縣西城外龍王廟五月初四日祀

聖母廟 在縣西城外龍王廟七月二十三日祀



里甲

天下郡邑之積也郡邑里甲之積也夫里止也民所止居也交邑之墟僻壤窮谷山麓水涯吾民荷宇卜居真厥土矣桑梓朱陳俗固爲美而地後亡散民稀土曠亦有戶不克甲甲不克里而虛列其名者矣司牧者寧不爲之所乎

趙吉士曰交舊編戶四十三里

國初併里爲二十五康熙六年又併甲或一里僅五六甲則其凋敝不支可知矣然吾攷明崇禎四



年為戶共六千四百零口一萬八千六百零康  
 熙六年審戶一萬五千九百零口一萬八千六  
 百零是今之口不減於明而今之戶且倍於明  
 不止而併里併甲濶敞不支如此何也蓋古者  
 戶口增減各得以其實上聞後世計丁口征稅  
 減一丁則一丁之稅無出故但可增而必不可  
 減苟有以戶口虛耗上請者必以為失政所致  
 吁即使尹鐸生於今日其尚能損其戶口之數  
 耶

在城九坊廂今併六

市東 東城外小關

市崇 大東關

崇儒 東門裡街北今併

太平 東門裡街南

西隅 公署街北

道德 縣治迤南

移風 司街東南今併

市南 南關今併



來蘇 北門裡西街

平下廿八都今併都十

鄭段 城東二十里附三村

陽渠 城東五里一村

義東 城東十里

義西 以上二都一村

覃東 城東十五里

覃西 以上二都一村外附一村今併

奈東 城東北八里今併

奈西 以上二都一村外附一村

辛南 城東南十五里一村附一村今併

辛北 城東南十五里附一村

北辛 城南十里二村今併

音村 城東南五里一村今併

汾東 城南五里三村今併

汾西 城南五里二村今併

成村 城南五里一村

安定 城南七里二村



洪安 城西南十里二村

却下 城西北二里今併

山鄉十六都今併都九

河北 城北一百八十里一百二十村

原滌 城北八十里附八村

之原 城北一百里附六村

孔河 城東一百二十里附十三村今併

水東 城西北一百里

水北 城西北七十里

水上 城西北一百一十里今併

中東 城西北一百里

中西 城西北一百八十里附五十村

宜西 城西北一百二十里今併

西南 城西北四十里

水東 城西北六十里附二村

龍中 城西北五十里今併

却上 城西北二十里附四村今併

趙河 城北三十里今併



卹典

鰥寡孤獨民之類連而無告者如志窮民此王者之善政也迨至今縣之於養濟院瘞之於滸澤園卽古人惠鮮之政澤及枯骨之意其視文王之政益異世而同符者也若急簿書之務而於此漫不加意焉是秦越其民也可乎有國家牧民之責者曷諸

趙吉士曰朝廷卹民之典至矣生則養疾則療死則有以葬然則鰥寡孤獨其果無憾乎吾聞



之教化行而風俗厚民且有好義恐後者焉其  
爲窮民而無告者幾何也

養濟院

在南關廂街西房廳十三間

惠民藥局

在縣治前迤東坐南一間新修歲時施  
藥萬曆十三年有民房入官者爲之今  
廢

滄澤園

在風雲雷雨壇迤西創置莫考計地一畝  
七分

義塚

知縣米世發置舊在通濟河灘

寺觀

寺觀佛老之宮佛老闢異端於上世其徒爲之  
募建香火之地樹宇琳宮凌雲鎮陸可謂勝矣  
繼黃之流相久持誦軒莊讓較靡不周至是生  
民亦有附助矧其長院街在天宮篆額宗伯其  
公署附置於寺觀之內或與攸關交城寺觀多  
矣今取其名迹之以爲勸懲之餘不錄亦陰寓正  
人心之機也

趙吉士曰二氏之教其行於天下也盛矣凡其



所創造未有為之而不成成之而不速且垂之  
 久遠而不毀也以交俗之齋民多穴處卽有室  
 廬取足蔽風雨而寺觀乃至五十有四其餘無  
 名者不數焉可以觀世道矣雖然二氏皆以祈  
 禱邀福重於世今吾攷交邑釋氏之寺四十有  
 九而道觀之類不過四五則二氏之盛衰又可  
 得而見焉

定慧寺

城西南隅道德坊唐貞觀二年建宋太平  
 興國三年賜額定慧寺元至正二年重建  
 明洪武開設僧會司于內永樂九年重修  
 天啓二年知縣孫浩重修有碑記

定香寺

縣西南三里唐大觀二年建明正統九年  
 修

天寧寺

縣北五里萬卦山唐貞元二年建明洪武  
 九年修嘉靖間重修

惠衆寺

縣南五里西汾陽村之中宋雍熙四年建  
 明正統三年修順治十四年貢生武之舉  
 移建于村之東偏相而大之壯麗輝煌允  
 成大觀

慈氏寺

縣東北二十里王村

廣修寺

縣東十五里覃村

梵庵寺

縣東北八里奈林村

清隱寺

縣正東十里義望村

福勝寺

縣正東十里義望村



永福寺 縣正東五里陽渠村

成勝寺 縣正東二十五里鄭村

觀音寺 縣正東二十里段村一縣東南十五里辛南一

常樂寺 縣西北四十里武定三年鎮遠將軍伏興建明二年修成化四年重修

國明寺 縣東北十三里王山金皇統元年建明洪武間修永樂年間重修

永寧寺 縣西北二十里石壁山嘉慶二年建明洪武間修有甘露之應唐貞元十二年

甘露寺 縣西北二十里石壁山永寧寺元和七年甘露復降賜名石壁永寧寺元和七年

壽隆寺 縣西四十里西社村元至元十三年建明十五年修明永樂間累修併于佛寺入焉

衆聖寺 縣西北五十里元至正十三年建明景泰五年修

百泉寺 縣北七十里元至正十三年建明正統三年修

金山寺 縣西九十里明宣德九年重建成化四年修

興濟寺 縣北九十里宋天聖四年建明景泰六年修

太平寺 縣北一百里屯蘭都宋慶曆二年建明洪武間併慈氏福勝聖壽興福興六寺入焉

洪山寺 縣北一百里正統八年建天順八年修

瑞雲寺 縣西一百二十里元至正十三年建明正統九年修成化四年重修

巖峯寺 縣東南五里汾東柳嶽



離相寺

一日離相寺創自宋大觀元年丁亥四月八日明嘉靖中年鑄鐵佛於殿內歲久剝落寺就圯矣萬曆二十四年募緣重修起蓮臺繪金像建樓鑄鍾寺宇為改觀初舉事之先有堪輿者過寺側而言曰相茲地勢適在與方缺而不補勿謂何傷富室罕積文士無光更新者塔廢其轉祥眾頗思其說弗信爰過陰陽家問之陰陽家曰五行生剋偏枯者病八卦方隅設陷者殃此係東南脉從巽來止此來者太高止者人卑今寺塔毀敗不堪非邑之利也修塔最善衆始心協二十八年移工修塔接拱樑瓦脊層比舊塔增高一丈五尺以琉璃花頂鈴鐸搖空聲聞城外未幾先乙亥五月八日塔頂起雲五色者曰寺塔其復動也夫氣變化莫測也震雷動也神動於上人言不遠於前乎是年果

走東高城開東門八年知縣趙吉士與之禁人浸皮革捕魚水始澄澈因泉植柳置畫舫其中供游玩榜曰却月湖墮日城抱半輪秋柳色參差西子湖移官舫入寺開三絲水鐘聲縹緲南屏山帶女牆來以其風景似西湖也為十景之一及見水却月湖注

麻葉寺

縣東關北巷

聖壽寺

縣北一百二十里盧峪口村明弘治元年建

千佛寺

縣北一百里故交村明成化三年建

福祥寺

縣北一百九十里河北都

東聖寺

縣北一百七十里明正統元年建



龍泉寺 縣北一百九十里河北都

老樹寺 縣北二百里明嘉靖八年創建寺有樹枝幹扶踈上架鍾樓故名俗名老鼠寺

鶴林寺 縣北九十里北社村明成化十四年建

僧會寺 縣北一百一十里馬蘭村明天順七年建

演教寺 縣北九十里交口村明嘉靖三年建

石佛寺 縣北二十五里馬家庄明弘治元年建

竹林寺 縣北八十里馬鞍山

千佛古寺 縣北一百五十里孔河都羊坡村明正德二年重建

順雲寺 縣北一百五十里孔河都羊坡村明永樂元年建

永興寺 縣北一百五十里塌地溝村明正統元年建

離院寺 縣北一百四十里關頭村明成化二年建

北禪寺 縣北一百七十里龍鬚寨明正德二年建

奉聖寺 縣北一百三十里白草溝明正統元年建

桃園寺 縣北一百里雙村明嘉靖二年建

壽寧寺 縣西北四十里曲裡村明正德元年建

甘寧寺 縣北八十里西治村明嘉靖四十一年建

壽龍寺 縣西北四十里沙溝村明弘治二年建

數十佛寺 縣北二十里卽數十佛村



平善寺

縣北九十里高昇村明景泰元年建

元禎觀

縣西北隅古有元禎觀今廢止留王皇殿三楹舊近瓦窰村有本觀地畝久被豪強隱占衆社人稟縣清查得歸本觀康熙年新創左右殿三楹有碑記

栖霞觀

縣西北四十里曲裡村

崇真觀

縣西北五十里西社村元中統三年建

臥雲庵

縣西北七十里龍堂岩

呂祖祠

在文廟左康熙三年署事陳方舟建益增鳩鳩殿三楹